

Broj: S-06/23

Datum: 27.02.2023.

Na osnovu člana 121., člana 122. i člana 123. Statuta Internacionalnog univerziteta Brčko distrikt BiH, kao I na osnovu člana 42., člana 44. I člana 53. Zakona o visokom obrazovanju u Brčko distriktu BiH, na osnovu pozitivnog mišljenja Upravnog odbora, Senat Internacionalnog univerziteta Brčko distrikt BiH na sjednici održanoj dana 27.02.2023. donosi :

STATUT

O DOPUNI STATUTA

INTERNACIONALNOG UNIVERZITETA BRČKO DISTRIKT BiH, BROJ

STATUTA: I-01-72-1/17 OD 05.10.2017. GODINE

Član 1.

U članu 2., stavu 2. Statuta Internacionalnog univerziteta Brčko distrikt BiH, iza stava 7., dodaje se stav 8. koji glasi:

“Institut za tehniku, tehnologiju i bezbjednost”.


U svemu ostalom tekst Statuta Internacionalnog univerziteta Brčko distrikt BiH ostaje nepromenjen.

Član 2.

Ovaj Statut stupa na snagu osmog dana od dana objavljivanja na oglasnoj tabli Univerziteta.

Predsjednik Senata

Prof.dr Đorđo Vasiljević



Bosna i Hercegovina
BRČKO DISTRIKT
 Bosne i Hercegovine
VLADA BRČKO DISTRIKTA
 Odjeljenje - Odjel za obrazovanje



Босна и Херцеговина
БРЧКО ДИСТРИКТ
 Босне и Херцеговине
ВЛАДА БРЧКО ДИСТРИКТА
 Одјелјење - Одјел за образовање

Bulevar Mira 1. 76100 Brčko Distrikt BiH
 Telefon: 049 214 503. Faks: 049 214 503.

www.bdcentral.net
 obrazovanje@bdcentral.net

Булевар Мира 1. 76100 Брчко Дистрикт БиХ
 Телефон: 049 214 503. Факс: 049 214 503.

Broj predmeta: UP-I-37-000065/23
Broj akta: 07-1246ZB-004/23
Datum, 14. 4. 2023.. godine
Mjesto, Brčko

Na osnovu člana 22. Zakona o Vladi Brčko distrikta Bosne i Hercegovine („Službeni glasnik Brčko distrikta BiH” broj: 22/18 - prečišćeni tekst, 49/18, 08/19, 10/19 i 32/19), člana 42. stav (4), (5) i (7) Zakona o visokom obrazovanju Brčko distrikta Bosne i Hercegovine („Službeni glasnik Brčko distrikta BiH” broj: 30/09, 29/18, 16/20 i 44/22) i člana 187. Zakona o upravnom postupku Brčko distrikta Bosne i Hercegovine („Službeni glasnik Brčko distrikta BiH” broj: 48/11 - prečišćeni tekst, 21/18 i 23/19), a postupajući po zahtjevu Internacionalnog univerziteta u Brčko distriktu Bosne i Hercegovine, broj: UP-I-37-000065/23 od 17.3.2023. godine, šef Odjeljenja za obrazovanje d o n o s i

R J E Š E N J E

Utvrđuje se da je Statut o dopuni Statuta Internacionalnog univirziteta u Brčko distriktu Bosne i Hercegovine, broj: S-06/23 od 27.02.2023. godine, usklađen sa odredbama Zakona o visokom obrazovanju Brčko distrikta Bosne i Hercegovine („Službeni glasnik Brčko distrikta BiH” broj: 30/09, 29/18, 16/20 i 44/22).

O b r a z l o ž e n j e

Internacionalni univerzitet u Brčko distriktu Bosne i Hercegovine obratio se Odjeljenju za obrazovanje Vlade Brčko distrikta Bosne i Hercegovine zahtjevom broj: I-01-45/23 od 17.03.2023. godine, u broju predmeta: UP-I-37-000065/23 od 17.3.2023. godine, kojim traži da Odjeljenje za obrazovanje donese Rješenje o usklađenosti Statuta Internacionalnog univerziteta u Brčko distriktu BiH sa Zakonom o visokom obrazovanju u Brčko distriktu Bosne i Hercegovine („Službeni glasnik Brčko distrikta BiH“, broj: 30/09, 29/18, 16/20 i 44/22).

Uz zahtjev Internacionalni univerzitet u Brčko distriktu Bosne i Hercegovine dostavio je priloge i to: Statut o dopuni Statuta Internacionalnog univerziteta u Brčko distriktu BiH broj: S-06/23 od 27.02.2023.godine, mišljenje Upravnog odbora Internacionalnog univerziteta u Brčko distriktu BiH, broj: UO-05/23 od 13.02.2023. godine, kojim se daje prethodno pozitivno mišljenje o dopuni Statuta Internacionalnog univerziteta u Brčko distriktu BiH, Elaborat o osnivanju i radu Instituta za tehniku, tehnologiju i bezbjednost i Statut Internacionalnog univerziteta u Brčko distriktu BiH (prečišćeni tekst) broj: I-01-72-1/17 od 05.10.2017. godine.

Postupajući po podnesenom zahtjevu, konstatuje se da je odredbama Zakona o visokom obrazovanju u Brčko distriktu Bosne i Hercegovine („Službeni glasnik Brčko distrikta BiH” broj: 30/09, 29/18, 16/20 i 44/22) i to članom 42. stav (4) regulisano da nakon usvajanja Statuta, visokoškolska ustanova dostavlja statut sa mišljenjem Upravnog odbora Odjeljenju radi pribavljanja Rješenja o usklađenosti statuta sa zakonom, a stavom (7) istog člana propisano je da se postupak iz gore navedenog stava (4) provodi i u slučaju izmjena i dopuna Statuta.

U skladu s Zakonom o upravnom postupku Brčko distrikta Bosne i Hercegovine („Službeni glasnik Brčko distrikta BiH”, broj: 48/11- prečišćeni tekst, 21/18 i 23/19) Odjeljenje za obrazovanje je uputilo Poziv za stranku broj predmeta: UP-I-37-000065/23, broj akta: 07-1246ZB-002/23 od 12.4.2023. godine, radi izjašnjenja u svojstvu stranke o svim činjenicama i okolnostima, a koje su bitne i važne za rješavanje u upravnoj stvari, pokrenutoj po zahtjevu za izdavanje Rješenja o usklađenosti Statuta Internacionalnog univerziteta u Brčko distriktu BiH sa Zakonom o visokom obrazovanju u Brčko distriktu Bosne i Hercegovine. Na osnovu navedenog, održana je usmena rasprava dana 13.4.2023. godine, a o čemu je sačinjen Zapisnik, broj predmeta: UP-I-37-000065/23, broj akta: 07-1334AM-003/23 od 13.4.2023. godine.

Odredbom člana 44. stavom (1) Zakona o visokom obrazovanju u Brčko distriktu Bosne i Hercegovine („Službeni glasnik Brčko distrikta BiH”, broj: 30/09, 29/18, 16/20 i 44/22) propisano je da univerzitet može imati organizacione jedinice kao što su: fakulteti, akademije, visoke škole, naučnoistraživački instituti i druge, koje izvode nastavni, naučnoistraživački i umjetnički rad u jednom ili više obrazovnih i naučnih područja, a stavom (4) istog člana navedenog zakona propisano je da organizacija, ovlaštenje i nadležnost organizacionih jedinica univerziteta kao i njegovih podorganizacionih jedinica bliže se uređuje osnivačkim aktom i **statutom**.

Na osnovu odredbe člana 45 stav (1) Zakona o visokom obrazovanju u Brčko distriktu Bosne i Hercegovine propisano je da osnivanje, statusna promjena i prestanak organizacionih jedinica univerziteta vrši se na osnovu elaborata.

U skladu s odredbom člana 32 stav (3) navedenog zakona propisano je da osnivanje novog fakulteta, instituta, studija, studijskog program i odsjeka kao organizacione jedinice na visokoškolskoj ustanovi koja je upisana u registre, obavlja se na način i po postupku propisanom za osnivanje visokoškolskih ustanova, a stavom (4) navedenog člana istog zakona propisano je da statusne promjene se obavljaju na način i po postupku predviđenom za osnivanje visokoškolske ustanove, a na osnovu zahtjeva i elaborata na koji je saglasnost dao osnivač visokoškolske ustanove.

Nakon donošenja Rješenja o usklađenosti statuta o dopuni statuta sa zakonom od strane Odjeljenja za obrazovanje, visokoškolska ustanova treba postupiti, odnosno podnijeti zahtjev za osnivanje instituta kao organizacione jedinice, u skladu sa članom 32. Zakona o visokom obrazovanju u Brčko distriktu Bosne i Hercegovine, kako bi se organizaciona jedinica, odnosno institut osnovaio u skladu s Zakonom o visokom obrazovanju u Brčko distriktu Bosne i Hercegovine.

Član 2. tačka k) navedenog zakona propisuje i definiciju instituta kojom je regulisano da je „institut“ organizaciona jedinica univerziteta koja obavlja naučnoistraživačku djelatnost u skladu sa zakonom i statutom univerziteta.

Imajući u vidu naprijed izneseno, a postupajući po zahtjevu Internacionalnog univerziteta u Brčko distriktu Bosne i Hercegovine utvrđeno je da je Statut o dopuni Statuta Internacionalnog univerziteta u Brčko distriktu BiH broj: S-06/23 od 27.02.2023. godine, usklađen sa odredbama Zakona o visokom obrazovanju u Brčko distriktu Bosne i Hercegovine.

Na osnovu izloženog doneseno je Rješenje kao u dispozitivu.

Pouka o pravnom lijeku:

Protiv ovog Rješenja može se izjaviti žalba Apelacionoj komisiji Brčko distrikta Bosne i Hercegovine u roku od 15 dana od dana dostavljanja, a podnosi se putem Odjeljenja za obrazovanje.

DOSTAVITI:

1. Internacionalnom univerzitetu u Brčko distriktu BiH,
2. Evidenciji (2x),
3. Arhivi.

